



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK
Služba za finansije, privredu, komunalne i inspeksijske poslove**

Broj: 04-27-5-167-2/17

Datum: 31.01.2017. godine

Na osnovu člana 10. Odluke o organizaciji i načinu obavljanja taksi prijevoza putnika na području Zeničko-dobojskog kantona („Službene novine Zeničko-dobojskog kantona“ broj: 6/10 i 5/16) i člana 12. Pravilnika o načinu korištenja, redu i radu na taksi stajalištima, rasporedu taksi vozila na taksi stajalištima i kriterijima za raspored taksi vozila na taksi stajalištima na području općine Tešanj broj:02-02-1-1634-3/16 od 17.11.2016.godine, Služba za finansije, privredu, komunalne i inspeksijske poslove općine Tešanj raspisuje

JAVNI POZIV

za prikupljanje zahtjeva za raspored taksivozila na taksistajalištima
na području općine Tešanj za 2017. godinu

I

Objavljuje se javni poziv za raspoređivanje taksivozila na taksistajalištima na području općine Tešanj za 2017. godinu.

II

U skladu sa Zaključkom o broju i razmještaju taksi stajališta, broju stajališnih mjesta, kategoriji taksi stajališta i ukupnom broju taksivozila na području općine Tešanj, broj: 04-02-1-1634-5/16 od 23.01.2017. godine, na taksi stajališta se može rasporediti 86 taksivozila, s tim da se na jedno stajališno mjesto mogu rasporediti najviše dva taksivozila.

III

Taksivozila se raspoređuju na sljedeća taksistajališta:

Rb	Naziv taksistajališta	Broj stajališnih mjesta	Kategorija taksistajališta	Godišnja naknada za upotrebu i korištenje taksistajališta
1	Dom kulture – Tešanj	5	I	50,00 KM
2	Autobuska stanica – Tešanj	6	II	50,00 KM
3	Bolnica – Tešanj	7	I	50,00 KM
4	Toškov stadion – Tešanj	5	III	50,00 KM
5	Tešanjka	5	I	50,00 KM
6	Željeznička stanica-Jelah	10	I	50,00 KM
7	Dom kulture-Jelah	7	II	50,00 KM
8	Ambulanta-Jelah	6	III	50,00 KM
9	Natkriveni dio Tešanjke-Tešanj	9	I	50,00 KM
10	Mjesna zajednica-Šije	3	III	50,00 KM

Raspored taksivozila na taksistajalištima se dodjeljuje do 31.12.2017. godine.

IV

Podnosilac zahtjeva za raspored taksivozila na taksistajalištima mora ispunjavati sljedeće uslove:

1. Da posjeduje profesionalnu osposobljenost koja podrazumjeva:
 - a) da je registrovan za obavljanje djelatnosti taksiprijevoza i da mu je to osnovna djelatnost;
 - b) da podnosilac zahtjeva-pravno lice zapošljava vozače koji imaju položen poseban ispit za taksivozača na području Zeničko-dobojskog kantona (broj vozača mora biti veći ili jednak broju vozila za koja se

- zahtjevu traži raspored na taksistajališta);
- c) da podnosilac zahtjeva-fizičko lice koje je nosilac odobrenja za obavljanje djelatnosti taksiprijevoza, a koje u zahtjevu traži raspored za dva vozila, zapošljava još minimalno jednog vozača koji ima položen poseban ispit za taksivozača na području Zeničko-dobojskog kantona;
2. Da ima sjedište/prebivalište na području općine Tešanj najmanje 1 godinu do dana podnošenja zahtjeva.
3. Da uredno izmiruje obaveze u pogledu plaćanja javnih prihoda;
4. Da nema izrečenu pravomoćnu odluku kojom je određena zaštitna mjera zabrane obavljanja djelatnosti javnog prijevoza dok ta mjera traje.

V

Za prijavu na javni poziv podnosioci zahtjeva za raspored taksivozila na taksistajalištima dokazuju uslove iz člana IV prilaganjem slijedeće dokumentacije uz zahtjev:

Pravna lica

1. aktuelni izvod iz sudskog registra i obavještenje Federalnog zavoda za statistiku o razvrstavanju djelatnosti (original ili ovjerena kopija);
2. prijavu penzijsko-invalidskog osiguranja i uvjerenje o položenom posebnom ispitu za taksivozača za uposlene vozače (original ili ovjerena kopija);
3. uvjerenje nadležnog poreznog organa da uredno izmiruje obaveze u pogledu plaćanja javnih prihoda ili zaključen sporazum o plaćanju duga u ratama (original ili ovjerena kopija);
4. uvjerenje nadležnog suda da u posljednoj godini dana od dana podnošenja zahtjeva za raspored nije pravosnažnim rješenjem izrečena zaštitna mjera zabrane obavljanja djelatnosti javnog prijevoza (original).

Fizička lica

1. važeće rješenje/odobrenje za obavljanje taksiprijevoza izdato od strane nadležne službe Općine Tešanj; (za fizička lica kojima je odobrenje izdato od strane nadležne službe Općine Tešanj nije potrebno dostavljati uz prijavu nego će se Komisiji obezbijediti iz službenih evidencija); (kopija)
2. ličnu kartu (kopija); i uvjerenje o kretanju-prebivalištu na području općine Tešanj najmanje 1 godinu do dana podnošenja zahtjeva (original);
3. uvjerenje nadležnog poreznog organa da uredno izmiruje obaveze u pogledu plaćanja javnih prihoda ili zaključen sporazum o plaćanju duga u ratama (original ili ovjerena kopija); za uslovna rješenja potrebno je dostaviti uvjerenje da nema duga po osnovu javnih prihoda odnosno da nije evidentiran kao porezni obveznik (original);
4. uvjerenje nadležnog suda da u posljednoj godini dana od dana podnošenja zahtjeva za raspored nije pravosnažnim rješenjem izrečena zaštitna mjera zabrane obavljanja djelatnosti javnog prijevoza (original);

Izuzetno, pored navedene dokumentacije, fizičko lice koje podnosi zahtjev za raspored dva vozila na taksistajalištima dužno je za uposlenog vozača dostaviti prijavu penzijsko-invalidskog osiguranja i uvjerenje o položenom posebnom ispitu za taksivozača.

Upute za popunjavanje obrasca zahtjeva date su na poledini istog, a može se preuzeti na web stranici Općine Tešanj www.opcina-tesanj.ba i na Protokolu Općine Tešanj.

Javni poziv za prikupljanje zahtjeva ostaje otvoren 15 dana od dana objave Javnog poziva u novinama „Naša riječ“, a bit će objavljen i na web stranici Općine Tešanj i oglasnoj ploči Općine Tešanj.

Neblagovremeni i nepotpuni zahtjevi neće se uzeti u razmatranje.

Nakon provedenog postupka Komisija utvrđuje Preliminarnu rang listu rasporeda taksi vozila za svako taksistajalište iz javnog poziva i istu objavljuje na web stranici i oglasnoj ploči Općine Tešanj.

Na objavljenu Preliminarnu rang listu podnosioci zahtjeva mogu podnijeti prigovor Službi za finansije, privredu, komunalne i inspeksijske poslove Općine Tešanj u roku od 8 dana od dana objavljivanja iste.

NAPOMENA: Ukoliko na području Općine Tešanj dođe do ukidanja određenih taksistajališta, taksivozila raspoređena na istim bit će raspoređena na drugo taksistajalište iste kategorije.

Zahtjev za raspored taksivozila i sve tražene dokumente treba dostaviti u zatvorenoj koverti lično na Protokol Općine Tešanj ili poštom na adresu:


OPĆINA TEŠANJ
Služba za finansije, privredu, komunalne i inspeksijske poslove
Komisija za provođenje javnog poziva za prikupljanje zahtjeva za raspored taksivozila na taksistajalištima na području općine Tešanj za 2017. godinu
Trg Alije Izetbegovića br.1
74260 Tešanj
sa naznakom:
„OTVARA KOMISIJA“

Dostavljeno:

1. „Službeni glasnik Općine Tešanj“,
2. novine „Naša riječ“,
3. web stranica Općine Tešanj,
4. a/a.

POMOĆNIK OPĆINSKOG NAČELNIKA




Hamzalija Hojkurić, dipl. ecc.

